

Et scias quòd corpora quædã solutione indigent, quæ-
dã elevatione vt tingant, & lucida & illuminata fiant in
quibus omnia corpora dissoluantur. Scias etiam quòd
secundùm naturã arcana sunt in eis abscondita: quod
si regantur natura abscondita, tibi apparebunt quæ
Hermeti Philosopho apparuerunt, & est terra alba pro-
pe argentum. Confice ergo corpora quæ illa se sanant,
cùm terra alba est, vt fixa permaneant, & superpone ne
ignis eam sua flamma comburat, sed quemadmodũ ce-
ram liquefactã liquefac ea. Et esto memor quod istud
vocatur aqua intrans iterũ. Igitur in artibus tuis in qui-
bus studes martellos duos fore credas, quorum vnus
Soli, alter Lunæ debetur. postea sequuntur duo ordi-
nes quos regendos dubiũ nostro capiti satis congruè
figurat. Ecce numeravi, arcanum cœleste patefeci, sci-
entiam difficilem atq; absconditam illuminaui, perfe-
ctamq; scientiam regendi modũ certificaui. Iuro itaq;
quòd nihil celavi, nec alterã nec vllam speciem aliena
descriptione descripsi, nec genera alienis locis impo-
sui. Igitur si meas literas legeris & intellexeris, venies
ad propositum tuum, & Deo gratias ages. Si verò cui
compositio debilis & complexio breuis extiterit ad su-
um propositum non veniet, ignorantia suæ partẽ mihi
non imponat, nec dicat me errasse, sed seipsum qui ad
suum propositum non perueniet.

*Interpretationis Epistolæ Alexandri,
Regis finis.*

*AVTHORIS IGNOTI, PHI-
losophici lapidis secreta metaphoricè
describentis, opusculum.*



XEMPLUM scientiæ nostræ senex supra
mortẽ, in eo sunt naturæ cõiunctæ cum cõ-
plemento: terra, aqua, ignis eius & aër. Et o-
mnia hæc in Saturno. Cum eo aperiuntur
portæ scientiarũ, sicut dicit Hermes, & præcedentes sui
primi. Accipe lapidem suspensum supra mare, vt senex
cera alba: super fontem, vt puer hypoquistidos. Nomẽ